

223	Steinnes	27,0	einingar
23. des.	Leysingjastaðir	7,5	—
	Þingeyrar	140,0	—
		Samtals	1000,0 einingar

Arðskrá þessi staðfestist hér með samkvæmt lögum nr. 112 9. okt. 1941, um lax- og silungsveiði, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Landbúnaðarráðuneytið, 23. desember 1941.

F. h. r.

Vigfús Einarsson.

Gunnl. E. Briem.

224
29. des.

AUGLÝSING

um breyting á gjaldskrá fyrir rafveitu Seyðisfjarðarkaupstaðar, nr. 111
21. nóvember 1931.

Aftan við 1. gr. komi svo hljóðandi framhald 2. málsgreinar:

Heimilt er bæjarstjórn og, ef þörf krefur, að skammta rafmagn um mæli þannig, að notendum sé gert að greiða allt að þreföldu gjaldi fyrir þann straum, sem þeir nota fram yfir tiltekið magn á mánuði hverjum.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, til þess að gilda fyrst um sinn þar til annað kann að verða ákveðið.

Félagsmálaráðuneytið, 29. desember 1941.

Stefán Jóh. Stefánsson.

Páll Pálmason.

225
30. des. Staðfesting ríkisstjóra á skipulagsskrá fyrir „Minningarsjóð hjónanna Þórdísar Gunnlaugsdóttur og Kristmundar Guðmundssonar“, útgefin á venjulegan hátt að mandatum af dóms- og kirkjumálaráðherra 30. desember 1941.
Skipulagsskráin er þannig:

SKIPULAGSSKRÁ

fyrir Minningarsjóð hjónanna Þórdísar Gunnlaugsdóttur og
Kristmundar Guðmundssonar.

1. gr.

Sjóðurinn heitir Minningarsjóður hjónanna Þórdísar Gunnlaugsdóttur og Kristmundar Guðmundssonar. Hann er eign Ytri-Torfustaðahrepps í Vestur-Húnavatns-sýslu. Um ráðstöfun á fé sjóðsins fer eftir því, sem fyrir er mælt í skipulagsskrá þessari.

2. gr.

225

30. des.

Sjóðurinn er stofnaður af Gunnlaugi Kristmundssyni, sandgræðslustjóra í Hafnarfirði, til minningar um foreldra hans, Þórdísi Gunnlaugsdóttur og Kristmund Guðmundsson.

Þórdís er fædd 6. júlí 1841, dóttir hjónanna Margrétar Björnsdóttur og Gunnlaugs Gunnlaugssonar.

Kristmundur er fæddur 25. janúar 1839, sonur hjónanna Kristínar Einarsdóttur og Guðmundar Björnssonar.

Þau Þórdís og Kristmundur eru gift 20. júní 1869.

Kristmundur andaðist að Söndum í Miðfirði 29. maí 1900, en Þórdís andaðist að Staðarbakka í Miðfirði 17. janúar 1917.

Sjóðurinn er stofnaður á aldarafmælisdegi Þórdísar, 6. júlí 1941.

3. gr.

Stofnfé sjóðsins er kr. 2000.00 — tvö þúsund krónur —, og má auka hann með gjöfum, samskotum og áheitum. Höfuðstól sjóðsins má aldrei skerða og skal hann geymdur og ávaxtaður í A-deild Söfnunarsjóðs Íslands.

Vextir af sjóðnum skulu leggjast óskiptir við höfuðstólinn, þar til sjóðurinn er orðinn alls kr. 10000.00. Eftir það skal útborga $\frac{1}{4}$ — einn fjórða — hluta vaxtanna ár hvert, en $\frac{3}{4}$ þeirra skal leggja við sjóðinn þar til hann er orðinn samtals kr. 50000.00. Þá skal $\frac{1}{2}$ — helmingur — vaxtanna útborgaður, en $\frac{1}{2}$ lagður við höfuðstólinn unz hann er orðinn að fjárhæð kr. 75000.00. Eftir það útborgast $\frac{3}{4}$ — þrír fjórðu — hlutar vaxtanna, en $\frac{1}{4}$ leggst við höfuðstólinn, þar til sjóðurinn er orðinn kr. 100000.00. Upp frá því útborgast $\frac{9}{100}$ — níutíu og níu af hundraði — vaxtanna, $\frac{1}{100}$ skal lagður við höfuðstólinn.

4. gr.

Þeim hluta af vöxtum sjóðsins, sem útborgast árlega samkvæmt 3. gr., skal varið til styrktar fátæku fólki og aukinnar menningar í Ytri-Torfustaðahreppi. Styrkur skal veittur fátækum foreldrum, sem hafa fyrir börnum að sjá, og einstæðum, eignalausum stúlkum og ekkjum, sem hafa börn á framfærslu. Einnig geta fátækir einstæðir unglingar, sem orðnir eru 16 ára að aldri, notið styrks af vöxtum sjóðsins til þess að læra, bóklega eða verklega, eitthvað það, sem hugur þeirra stefnir að, eflir þroska þeirra og sjálfsbjargarviðleitni og hjálpar þeim til þess að verða að nýtum mönnum. Styrkur skal einkum veittur fátæku og heilsulitlu fólki, sem vill bjarga sér sjálft, og skal þess sérstaklega gætt, að það fólk njóti styrksins, sem notar hann til eflingar manndómi og sér til þroska í örðugri lífsbaráttu.

Nú er einhverju sinni ekki þörf fyrir alla útborgaða vexti af sjóðnum til styrktar fátæku fólki í hreppnum, að dómi sjóðstjórnarinnar, og er þá heimilt að verja þeim til námsstyrkja handa efnilegu, en fávana ungu fólki í sveitinni, sem komið er yfir fermingaraldur, og hefur sýnt áhuga og hæfileika til bóklegs eða verklegs náms í einhverjum gagnlegum greinum.

Þeir einir koma til greina við veitingu námsstyrkja, sem eru reglusamir og ástundunarsamir við námið. Einnig er þá og heimilt að verja fé af vöxtum sjóðsins til eflingar almennum menningarlegum framförum í hreppnum, svo sem til styrktar bókasafni til afnota fyrir almenning, eða skóla fyrir unglinga eftir 14 ára aldur.

5. gr.

Stjórn sjóðsins skal skipuð 3 mönnum: sóknarpresti, sem er formaður, hreppstjóra og barnakennara hreppsins. Skal stjórnin, er að því kemur, árlega úthluta

225 styrkjum samkvæmt fyrirmælum 4. gr., eftir að vextir af sjóðnum falla til útborg-
30. des. unar. Einnig skal stjórnin annast reikningshald sjóðsins.

6. gr.

Sjóðurinn skal vera undir opinberu eftirliti og reikningar hans birtast í Stjórn-
artíðindum, eða öðru því riti, er birtir efnahagsyfirlit opinberra sjóða.

7. gr.

Leita skal staðfestingar á skipulagsskrá þessari.

226

31. des.

AUGLÝSING

um breyting á reglum um áhættuflokkun og ákvörðun iðgjalda fyrir
slysatryggingar, nr. 222 21. febrúar 1939.

1. gr.

Iðgjöld til iðntryggingarinnar skulu frá 1. janúar 1942 hækka um 80% frá því
sem þau voru ákveðin í reglum nr. 222 21. febrúar 1939.

2. gr.

Iðgjöld til sjómannatryggingarinnar samkvæmt 7., 8. og 9. áhættuflokki skulu
vera kr. 5,00 fyrir hvern mann á viku frá og með 1. janúar 1942. Auk þess skal
krafið sérstakt aukaiðgjald, kr. 60,00, fyrir hvern sjómann á skipum, er sigla milli
landa, fyrir hverja ferð.

Iðgjöld kafara og manna, sem stunda sjófuglaveiðar, skulu vera kr. 5,40 á viku
frá 1. janúar 1942.

Ákvæði þessi eru hér með sett samkvæmt 2. kafla laga nr. 74 31. desember
1937, um alþýðutryggingar, og birtast til eftirbreytni öllum þeim, sem hlut eiga að
að máli.

Jafnframt falla úr gildi auglýsingar um sama efni frá 27. desember 1940 og
31. marz 1941.

Félagsmálaráðuneytið, 31. desember 1941..

Stefán Jóh. Stefánsson.

Páll Pálmason.

227

31. des.

AUGLÝSING

um breyting á gjaldskrá fyrir rafveitu Austur-Húnavatnssýslu,
nr. 150 31. ágúst 1940.

1. gr.

1. grein gjaldskrárinnar orðist þannig:
Rafveita Austur-Húnavatnssýslu selur raforku á þann hátt og við því verði, er
hér segir:

- a. Um hemil fyrir kr. 200,00 hvert kílóvatt um árið. Rafveitan selur eigi minna
afl um hemil en $\frac{1}{2}$ kílóvatt.